

ხელშეკრულება №2/163
მომსახურების სახელმწიფო შესყიდვების შესახებ

ქ. თბილისი

6 დეკემბერი 2018 წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ.თბილისი, ვაჟა ფშაველას გამზ. №33 (შემდგომში, „შემსყიდველი“), წარმოდგენილი კანცლერის, ზურაბ ორჯონიკიძის სახით და მეორეს მხრივ შპს „თ.დ. სერვისი“, მის: ქ.თბილისი, ქინძმარაულის ქ.№7 (შემდგომში, „მიმწოდებელი“), წარმოდგენილი დირექტორის, თეიმურაზ დევბიძის სახით, გხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA180008292) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: ავტომატური (ფოლკსვაგენ პასატი 2005 წლის გამოშვება, სახელმწიფო ნომრით BVB-590.) შეკეთება-ტექნიკური მომსახურება საჭირო მარაგნაწილებით, პრეისკურანტის შესაბამისად (CPV 50100000) დანართი №1-ის (დანართი №1 წარმოადგენს წინამდებარე ხელშეკრულების განუყოფელ ნაწილს) შესაბამისად.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 6000 (ექვსიათასი) ლარს.

2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 2018 წლის 31 დეკემბრის ჩათვლით (შემსყიდველის მოთხოვნის შესაბამისად).

3.2 შესყიდვის ობიექტის მიწოდება განხორციელდება მიმწოდებლის სერვის ცენტრ(ებ)ში ეტაპობრივად (მის: ქ.თბილისი, ქინძმარაულის ქ.№7 და თემქა-მუხიანის მზტ. რადიოქარხნის მ/ტ).

3.3 შესყიდვის ობიექტის მომსახურების გაწევა უნდა განხორციელდეს რიგგარეშე, შეტყობინების მიღებიდან არაუგვიანეს 2 (ორი) სამუშაო დღის ვადაში, გარდა სათუნუქე-სამღებრო სამუშაოების შემთხვევისა – 8 (რვა) სამუშაო დღის ვადაში.

3.4 მიმწოდებელს უნდა გააჩნდეს შემდეგი მატერიალურ ტექნიკური ბაზა:

3.4.1. ორიგინალი ან ლიცენზირებული ნაწილები;

3.4.2. არანაკლებ 3 აწვე დანადგარი;

3.4.3. რაზგალის აპარატი;

3.4.4. ვულკანიზაცია;

3.4.5. ფრეონის აპარატი;

3.4.5. კომპიუტერული დიაგნოსტიკა.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2019 წლის 31 იანვრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. ხელშეკრულების კონტროლის პირობები

5.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

5.2 ხელშეკრულების კონტროლს, შემსყიდველის მხრიდან განახორციელებს, თსსუ-ს კანცლერის 03/08/2018 წლის #268/02 ბრძანებით შექმნილი კონტროლის განმახორციელებელი ჯგუფი.

5.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“. შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან არაუმეტეს 3 (სამი) დღის ვადისა, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

5.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის შესახებ მიღება-ჩაბარების აქტი ფორმდება თსსუ-ს კანცლერის 03/08/2018 წლის #268/02 ბრძანებით შექმნილი კონტროლის განმახორციელებელი ჯგუფის დასკვნის საფუძველზე.

7. ხელშეკრულების ობიექტის ხარისხი და გარანტია

7.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2 შესყიდვის ობიექტის ხარისხი უნდა შეესაბამებოდეს შემსყიდველის მიერ განსაზღვრულ მოთხოვნებს.

7.3 ავტომატების შეკეთებისა და მომსახურებისათვის გამოყენებული სათადარიგო ნაწილები უნდა იყოს ახალი (გარდა ძრავისა), ქარხნული, ხარისხიანი და უნაკლო, არანაკლებ 6 (ექვსი) თვიანი გარანტიით, გარდა ცვეთადი ნაწილებისა, როგორცაა სამუხრუჭე ხუნდები, ზეთის, ჰაერის, კონდენციონერისა და საწვავის ფილტრები. მიმწოდებელი პასუხისმგებელია წუნდებული საქონლის გამოცვლაზე შესაბამისი მომსახურებით საკუთარი ხარჯით.

7.4 ხელშეკრულების მოქმედების ვადაში „შემსყიდველი“ ვალდებულია, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ, ხელშეკრულების 5.3 პუნქტით განსაზღვრული წესით.

7.5 შეტყობინების მიღების შემდეგ, „მიმწოდებელი“ ვალდებულია საგარანტიო პერიოდში მნიშვნელოვანი დაზიანების, ხარვეზების გამოვლენის შემთხვევაში, საკუთარი ხარჯებით უზრუნველყოს საქონელზე გამოვლენილი ნაკლის აღმოფხვრა (საჭიროების შემთხვევაში შეკეთება ან ახლით შეცვლა), შეტყობინებიდან 10 (ათი) სამუშაო დღის ვადაში, მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება.

7.6 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

8. ანგარიშსწორების ფორმა, გრაფიკი (ვადები)

8.1 „მიმწოდებელთან“ ანგარიშსწორება განხორციელდება ლარში.

8.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

8.3 წინასწარი ანგარიშსწორება გათვალისწინებული არ არის.

8.4 ანგარიშსწორება განხორციელდება ეტაპობრივად ფაქტიურად მოწოდებული შესყიდვის ობიექტის დამადასტურებელი დოკუმენტების - მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან) საფუძველზე - არაუმეტეს 15 (თხუთმეტი) სამუშაო დღის ვადაში.

8.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

9. მხარეთა უფლება-მოვალეობანი

9.1. „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.
- უარი თქვას უზარისხო შესყიდვის ობიექტის მიღებაზე.

9.2. „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;
- დაიცვას ხელშეკრულებით გათვალისწინებული ყველა პირობა.

9.3. „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.

9.4. „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

10.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.

10.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისთვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

10.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა; სახელშეკრულებო ღირებულების 10%-ის ოდენობით.

10.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეათედი) პროცენტის ოდენობით, მაგრამ არანაკლებ 10 (ათი) ლარისა.

10.7 შემსყიდველი იტოვებს უფლებას ხელშეკრულების პირობების დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება.

10.8 10.7 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

11. ხელშეკრულების პირობების გადასინჯვის შესაძლებლობა

11.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით და წარმოადგენს ხელშეკრულების განუყოფელ ნაწილს.

11.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.

11.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.

11.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ხელშემშლელ გარემოებებზე, მისი გამომწვევი მიზეზების და შესაძლო ხანგრძლივობის შესახებ. შეტყობინების მიმღებმა მხარემ ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

12.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 11.1 პუნქტის შესაბამისად.

12.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

12.6 12.3 ქვეპუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიღებული შესყიდვის ობიექტის ღირებულება.

13. ფორს-მაჟორი

13.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708 987 519


„მიმწოდებელი“

შპს „თ.დ. სერვისი“
ქ.თბილისი, ქინძმარაულის ქ. N7
საიდენტიფიკაციო ნომერი 406248332
სს „საქართველოს ბანკი“, კოდი BAGAGE22
ა/ა GE40 BG00 0000 0101 127 440

თსსუ-ს კანცლერი
ზურაბ ორჯონიკიძე



შპს „თ.დ. სერვისი“-ის დირექტორი
თეიმურაზ დევიძე



#	დასახელება	სათადარიგო ნაწილის კატეგორია	განზომილებების ერთეული	რაოდენობა	სათადარიგო ნაწილების დაზუსტებული ფასი	მომსახურების დაზუსტებული ფასი
1	ძრავის შეცვლა (მეორადი) მისივე ორიგინალი ოდომეტრით	ძრავი	ცალი	1	2280	260
2	ძრავის ზეთი სინთეტიკური ქარხნული ორიგინალი (ჩამოსასხმელი)	საძოხი მასალა	ლიტრი	1	16	2
3	ზეთის ფილტრი	ფილტრები	ცალი	1	16	2
4	ჰაერის ფილტრი	ფილტრები	ცალი	1	39	4
5	კონდიციონერის ფილტრი	ფილტრები	ცალი	1	39	4
6	საწვავის ფილტრი	ფილტრები	ცალი	1	47	8
7	წინა ამორტიზატორი	სავალი ნაწილი	ცალი	1	155	25
8	უკანა ამორტიზატორი	სავალი ნაწილი	ცალი	1	145	25
9	წინა ამორტიზატორის საკისარი	სავალი ნაწილი	ცალი	1	60	17
10	უკანა ამორტიზატორის ლიმონჩიკი	სავალი ნაწილი	ცალი	1	30	14
11	წინა ამორტიზატორის საყრდენი ბალიში	სავალი ნაწილი	ცალი	1	35	17
12	წერო	სავალი ნაწილი	ცალი	1	130	25
13	მორგვის საკისარი (წინა)	სავალი ნაწილი	ცალი	1	102	25
14	მორგვის საკისარი (უკანა)	სავალი ნაწილი	ცალი	1	102	25
15	საბურავის სამაგრი ბოლტი	სავალი ნაწილი	ცალი	1	8	0
16	კარტერის ბოლტი	ძრავი	ცალი	1	8	0
17	კარტერის ბოლტის შაიზა	ძრავი	ცალი	1	2	0
18	ანთების სანთელი	ელექტრობა	ცალი	1	18	4
19	წინა ხუნდიზი	მუხრუჭი	კომპლექტი	1	102	8
20	უკანა ხუნდიზი	მუხრუჭი	კომპლექტი	1	94	8
21	სამუხრუჭე სითხე	საძოხი მასალა	ლიტრი	1	8	0
22	სამუხრუჭე სითხის შეცვლა	მუხრუჭი	ცალი	1	0	18
23	წინა საყრდენი დისკი	მუხრუჭი	ცალი	1	102	18
24	უკანა საყრდენი დისკი	მუხრუჭი	ცალი	1	102	18
25	სამუხრუჭე სითხის მილი	მუხრუჭი	ცალი	1	34	8
26	სამუხრუჭე სისტემიდან ჰაერის გამოდევნა	მუხრუჭი	კომპლექტი	1	0	30
27	ჰალოგენის ნათურა	ელექტრობა	ცალი	1	14	0
28	სანისლე ფარის ნათურა	ელექტრობა	ცალი	1	8	0
29	ანტიფრიზი	საძოხი მასალა	ლიტრი	1.5	17	8
30	განათების ნათურა	ელექტრობა	ცალი	1	4	0
31	ყუმბარის პილნიკი (გარეთა)	სავალი ნაწილი	ცალი	1	21	8
32	ყუმბარის პილნიკი (შიდა)	სავალი ნაწილი	ცალი	1	30	14
33	ყუმბარა შიდა	სავალი ნაწილი	ცალი	1	153	34
34	გიტარა წინა მარჯვენა	სავალი ნაწილი	ცალი	1	157	25
35	გიტარა წინა მარცხენა	სავალი ნაწილი	ცალი	1	158	25
36	გიტარის დიდი ვტულკა	სავალი ნაწილი	ცალი	1	42	17
37	გიტარის პატარა ვტულკა	სავალი ნაწილი	ცალი	1	35	17
38	გიტარის ვტულკის ბოლტი	სავალი ნაწილი	ცალი	1	8	0
39	წინა სტერეო	სავალი ნაწილი	ცალი	1	35	4
40	უკანა სტერეო	სავალი ნაწილი	ცალი	1	35	8
41	შარავი	სავალი ნაწილი	ცალი	1	47	17
42	წყლის ტუმბო	ძრავი	ცალი	1	128	38
43	სუხოის რეზინი	სავალი ნაწილი	ცალი	1	22	8
44	ბალკის რეზინა	სავალი ნაწილი	ცალი	1	18	8
45	უდარნი ტიაგა	სავალი ნაწილი	ცალი	1	40	8

#	დასახელება	სათადარიგო ნაწილის კატეგორია	განზომილების ერთეული	რაოდენობა	სათადარიგო ნაწილების დაზუსტებული ფასი	მომსახურეობის დაზუსტებული ფასი
46.	ნაკანქნივი	სავალი ნაწილი	ცალი	1	40	13
47	საბურავის ბალანსირება ჯოლკანიზაცია	სავალი ნაწილი	ცალი	1	0	13
48.	რაზვალის გასწორება	სავალი ნაწილი	კომპლექტი	1	0	21
49	ელ. დიფნოსტიკა	ელექტროობა	კომპლექტი	1	0	21
50.	საქარე მინის საწმენდი რეზინა (კომპლექტი)	ძარა	კომპლექტი	1	25	0
51.	კონდიციონერის სისტემის აირის (ფრეონის) ამოტოვება ჩატოვება	ძრავი	ცალი	1	0	25
52	კონდიციონერის სისტემის აირი (ფრეონი)	საპოხი მასალა	გრამი	100	9	0
53	ტრავერსის ვტულკა	სავალი ნაწილი	ცალი	1	38	21
54	ძრავის თავის შუასადები	ძრავი	ცალი	1	38	127
55	საწვავის შემფრქვავი	ძრავი	ცალი	1	215	42
57	ძრავის ჯაჭვი	ძრავი	ცალი	1	215	101
58	ძრავის ჯაჭვის დამჭიმში	ძრავი	ცალი	1	102	30
59	ფარების გასწორება	ელექტროობა	კომპლექტი	1	0	34
60	ძრავის გვერდითა ხუფის შუასადები	ძრავი	ცალი	1	55	25
61	ხუფის საღნიკი	ძრავი	ცალი	1	35	22
62	მუხლა ლილვის ამთვლელი სენსორი	ელექტროობა	ცალი	1	102	22
63	გამანაწილებელი ლილვის ამთვლელი სენსორი	ელექტროობა	ცალი	1	102	22
64	წყლის ტემპერატურის სენსორი	ელექტროობა	ცალი	1	85	22
65	ზეთის წნევის სენსორი	ელექტროობა	ცალი	1	95	17
66	სიგნალი	ელექტროობა	ცალი	1	25	9
67	საწვავის ავზის ხუფი	ძარა	ცალი	1	22	14
68	წინა შიტლკის სპოილერი	ძარა	ცალი	1	130	25
69	საბურავის ხუფი	ძარა	ცალი	1	18	4
70	წინა ფრთის საფარი (დიდი)	ძარა	ცალი	1	64	21
71	წინა ფრთის საფარი (პატარა)	ძარა	ცალი	1	64	25
72	წინა კარის საკეტი	ძარა	ცალი	1	52	38
73	უკანა კარის საკეტი	ძარა	ცალი	1	52	38
74	გასადები	ძარა	ცალი	1	52	38
75	წინა კარის მინის ამწევი მექანიზმი	ძარა	ცალი	1	85	38
76	უკანა კარის მინის ამწევი მექანიზმი	ძარა	ცალი	1	85	38
77	კაპოტის ამორტიზატორი	ძარა	ცალი	1	42	30
78	საბარგულის ამორტიზატორი	ძარა	ცალი	1	40	30
79	საბარგულის საკეტი	ძარა	ცალი	1	77	30
80	დისკის ხუფი	ძარა	ცალი	1	30	0
81	დისკის სამაგრი ბოლტის ხუფი	ძარა	ცალი	1	3	0
82	კარის აბიჯის შვილკა	ძარა	ცალი	1	47	4
83	კარნიზის სამაგრი შვილკა	ძარა	ცალი	1	2	0
84	წინა შიტლკის დიდი სალასკა	ძარა	ცალი	1	30	0
85	წინა შიტლკის პატარა სალასკა	ძარა	ცალი	1	30	0
86	გენერატორის ჩითქვები	ელექტროობა	ცალი	1	47	38
87	გენერატორის დამლა-აწყობა	ელექტროობა	ცალი	1	0	34
88	გენერატორის ღვიდი	ელექტროობა	ცალი	1	38	17
89	გენერატორის ღვიდის დამჭიმში	ელექტროობა	ცალი	1	107	21
90	აკუმულატორი	ელექტროობა	ცალი	1	130	8
91	საწვავის ტუმბოს რელიე	ელექტროობა	ცალი	1	40	17
92	საწვავის ტუმბო	ელექტროობა	ცალი	1	120	34
93	ნომრის განათება	ელექტროობა	ცალი	1	4	0
94	უკანა მუხრუჭის სტოპი	ელექტროობა	ცალი	1	60	8
95	მინის საწმენდი წყლის მილის ტრანინიკი	ელექტროობა	ცალი	1	17	14
96	მინის ამწევი ღილაკი (მძღოლის მხარე)	ელექტროობა	ცალი	1	65	21
97	მინის ამწევი ღილაკი	ელექტროობა	ცალი	1	14	4
98	გაბარიტის ნათურა	ელექტროობა	ცალი	1	4	0
99	მოხვევის მანიშნებელი ნათურა	ელექტროობა	ცალი	1	4	0
100	სანომრის ნათურა	ელექტროობა	ცალი	1	4	0
101	მკველი	ელექტროობა	ცალი	1	2	0
102	წყლის ტუმბოს მილი	ძრავი	ცალი	1	45	8
103	წყლის ტუმბოს ღვიდი	ძრავი	ცალი	1	38	17

#	დასახელება	სათადარიგო ნაწილის კატეგორია	განზომილების ერთეული	რაოდენობა	სათადარიგო ნაწილების დაზუსტებული ფასი	მომსახურების დაზუსტებული ფასი
104	ზეთის ფილტრის კორპუსის მანქეტი	ძრავი	ცალი	1	30	8
105	ზეთის რადიატორის მანქეტი	ძრავი	ცალი	1	38	14
106	ვაკუუმის ნასოსის შუასადები	ძრავი	ცალი	1	46	17
107	თერმოსტატი	ძრავი	ცალი	1	60	17
108	სტარტერის დაშლა-აწყობა	ელექტრობა	ცალი	1	0	52
109	საწვავის ტუმბოს გამაძლიერებელი	ელექტრობა	ცალი	1	119	43
110	ევაკუატორის მომსახურება (თბილისის ფარგლებში)	მომსახურება	გადაყვანა	1	0	59
ჯამი					7784.0	2215.0
სულ (ცხრაათასცხრაასოთხმოცდაცხრამეტი ლარი და 00 თეთრი)					9999.00	

თსსუ-ს კანცლერი

ზურაბ ორჯონიკიძე





შპს „თ.დ. სერვისი“-ის
დირექტორი

თეიმურაზ დევიძე

